

همس الضي

همس الضي اللي ف عيونك

مالوش مثيل

ولا ليك زي بين الخلايق

ولا بديل

نورك نور كل الليل

دوب فينا أحلي غرام

حرك فينا معاني الخير

صحا ف قلوبنا همس الطير

غني وغنت كل الناس

صبحت لغة واحدة الإحساس

أصل الحب

همس الضي اللي ف عيونك

هو القلب

اختارك واختار دليلك

همس الضي نور حياتي

همس الضي حرك سكاتي

همس الضي اللي ف عيونك حيرني

غير كل اللي حواليا وغيرني

وانا حببت الحب ياروحي من ضيك

مين ب الحب يكون أبداً أبداً زيك

همسك بدل كل الحيرة ب الأمان

ضيك غير كل معاني الحرمان

نور الشمس اللي ف جبينك

دوخني سنين وايام

ولا الورد اللي ف خدودك

سهرني خلاني ما نام

ولا عينيك لما تسبل

ب تعيشني ف الأحلام
ولا شفائك لما بتضحك
معناها أحلي كلام